

Ministarstvo pravde Bosne i Hercegovine

Saradnja u razvoju medijacije s IFC-om

SARAJEVO - Ministar pravde BiH Slobodan Kovač i regionalni menadžer Međunarodne finansijske korporacije (IFC) Svjetske banke Vilma van Bentem potpisali su juče u Sarajevu Memorandum o saradnji u razvoju medijacije u BiH u naredne dvije godine.

Memorandum je potpisan u okviru IFC-ovog programa "Alternativno rješavanje sporova", koji finansira Vlada Holandije.

Kovač je izrazio zadovoljstvo potpisanim memorandumom, ističući da će uspostavljanje efikasnog sistema medijacije dovesti do poboljšanja izvršenja privrednih ugovora, te dati podsticaj poslovanju i in-

vestiranju u privatni sektor. On je naglasio da je razvoj kapaciteta za rješavanje van sudova najbolji način da se riješi veliki broj zaostalih predmeta.

Van Bentemova je rekla da se Memorandumom omogućava dalje osnivanje centara za medijaciju, izgradnja kapaciteta medijatora, te edukovanja administrativnog kadra u centrima.

Ambasador Holandije u Bosni i Hercegovini Karel Fokkeler, koji je prisustvovao potpisivanju pomenutog memoranduma, rekao je da će medijacija doprinijeti smanjivanju sudskih sporova i povećati interesovanje potencijalnih investitora. (Srna)